

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
KANTONALNO TUŽILAŠTVO
ZENIČKO - DOBOJSKOG KANTONA

Broj: T04 0 KT 0068894 26
Zenica, 07.08.2026. godine

OPĆINSKI SUD U VISOKOM
- Sudiji za prethodno saslušanje -

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, *p o d i ž e m*

OPTUŽNICU

Protiv,

1. V. L., ...,

2. L. B., ...,

što su,

I V. L. i L. B., zajednički,

1. u periodu od početka 2026. godine do 20.02.2026. godine, na području grada Visoko, suprotno odredbama člana 4. stav 1. i člana 19. i 20. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako su znali da je neovlaštena prodaja, držanje i prijenos opojnih droga zakonom zabranjeno, to su i htjeli, postupajući po prethodnom dogovoru, zajednički i međusobno usklađeno, u namjeri pribavljanja protivpravne imovinske koristi neovlašteno radi prodaje držali opojnu drogu, koju su prethodno nabavili, kao i predmete koji se dovode u vezu sa zloupotrebom opojnih droga, i to:
 - pvc pakovanje vezano u čvor sa sadržajem bijele praškaste materije neto mase 106,688 grama koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom,
 - pvc pakovanje vezano u čvor sa sadržajem blijedožute materije neto mase 570,179 grama koja sadrži psihotropnu supstancu „amfetamin“, koja asocira na opojnu

drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom,

- pvc kesu sa sadržajem bijele praškaste materije neto mase 4,032 grama koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom,
- pvc kesicu sa zip zatvaračem neto mase 5,484 grama koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom,
- pvc kesicu sa zip zatvaračem i u njoj 17 paketića od alu folije i u svakom paketiću sa sadržajem po jedne tablete roze boje nepravilnog oblika sa oznakama i to sa jedne strane „...“ a sa druge strane „...“, pojedinačnih neto masa tableta i to: 0,391 g; 0,402 g; 0,390 g; 0,382 g; 0,348 g; 0,380 g; 0,386 g; 0,370 g; 0,370 g; 0,386 g; 0,337 g; 0,372 g; 0,332 g; 0,373 g; 0,348 g; 0,375 g; 0,341 g, odnosno ukupno 6,283 grama, te 3 tablete plave boje nepravilnog trokutastog oblika sa logom „...“ ukupne neto mase 1,276 grama-prosječne mase 0,425 grama po jednoj tableti, za kojih 20 tableta je provedenim vještačenjem utvrđeno da sadrže psihoaktivnu komponentu 3,4 - metilendioksimetamfetamin (MDMA) te predstavlja opojnu drogu „extazi“, koja je pod rednim brojem 12. psihotropnih tvari iz Tablice I „Zabranjene tvari i biljke“ proglašena zabranjenom,

kao i predmete koji se dovode u vezu sa zloupotrebom opojnih droga, a koji se koriste za precizno razmjeravanje i vaganje količina opojne droge radi distribucije i stavljanja u promet, i to: jednu (1) vagu sive boje bez poklopca za precizno mjerenje sa tragovima bijele praškaste materije koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, zatim jednu (1) manju kašiku sa tragovima bijele praškaste materije koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, te jednu (1) bijelu keramičku pločicu na kojoj se nalazila bijela praškasta materija neto mase 0,104 grama koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom,

a koja opojna droga i navedeni uređaji i predmeti za razmjeravanje i vaganje opojne droge su pronađeni prilikom pretresanja kuće i pomoćnih objekata koji se nalaze u ulici ... u Visokom, koje koristi V. L., kao i pokretnih stvari, motornih vozila koja su zatečena na licu mjesta, te lica koja su zatečena u objektima ili vozilima za vrijeme pretresa, koji pretres je izvršen dana 20.02.2026. godine u vremenu od 17:00 sati do 18:10 sati na osnovu Naredbe Općinskog suda u Visokom broj ... od 18.02.2026. godine, te koja droga je oduzeta od imenovanog prema Potvrdi o privremenom oduzimanju predmeta PS Visoko broj ... od 20.02.2026. godine, a neposredno prije navedenog pretresa L. B., znajući i svjesna da se u kući nalazi opojna droga i navedeni predmeti je istog dana tj. 20.02.2026. godine u 16:20:02 sati ostvarila telefonsku komunikaciju sa telefonskog broja ... sa V... tetkom R... koja živi u zajedničkom domaćinstvu sa V... na navedenoj adresi, na njen telefonski broj ... koji razgovor je trajao do 16:21:22 sati i tom prilikom je zatražila te joj

dala upute da skloni predmete – kanticu od eurokrema i kutiju u kojoj se nalazila opojna droga koja je kasnije pronađena u pretresu, te tako V. i L. svjesni da na ovaj način neovlašteno radi prodaje drže opojnu drogu, to su i htjeli,

dakle, da bi neovlašteno radi prodaje držali opojnu drogu,

2. dana 02.04.2026. godine, na području grada Visoko, suprotno odredbama člana 4. stav 1. i člana 19. i 20. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako su znali da je neovlaštena prodaja, držanje i prijenos opojnih droga zakonom zabranjeno, to su i htjeli, postupajući po prethodnom dogovoru, zajednički i međusobno usklađeno, u namjeri pribavljanja protivpravne imovinske koristi neovlašteno prodali opojnu drogu, na način da su dana 02.04.2026. godine u dva navrata oko 13,38 sati i 14,46 sati ostvarili telefonsku komunikaciju sa korisničkog broja ... sa E. B. na korisnički broj ... u kojem razgovoru su dogovorili prodaju opojne droge, koja je istog dana i realizovana i tom prilikom je V. prodao E. jedan pvc paketić sa sadržajem bijele praškaste materije koja sadrži psihotropnu supstancu „amfetamin“, neto težine 6,255 grama, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koja droga je pronađena i oduzeta od E. od strane ovlaštenih službenih lica PS Kakanj istog dana u 18,25 sati, za što mu je izdata Potvrda o privremenom oduzimanju predmeta PS Kakanj broj ... od 02.04.2026. godine, te tako V. i L. svjesni da na ovaj način neovlašteno vrše prodaju opojne droge, to su i htjeli,

dakle, da bi neovlašteno prodali opojnu drogu,

II V. L., sam

1. dana 13.04.2026. godine na području grada Visoko, suprotno odredbama člana 4. stav 1. i člana 19. i 20. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako je znao da je neovlaštena prodaja, držanje i prijenos opojnih droga zakonom zabranjeno, to je i htio, pa je tako dana 13.04.2026. godine u dva navrata oko 09,51 sati i 10,13 sati ostvario telefonsku komunikaciju sa korisničkog broja ... sa H. S. na korisnički broj ... u kojem razgovoru su dogovorili prodaju opojne droge, koja je istog dana i realizovana i tom prilikom je V. za iznos od 40,00 KM prodao H. jedan pvc paketić sa sadržajem bijele praškaste materije koja sadrži psihotropnu supstancu „amfetamin“, neto težine 2,694 grama, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koju je H. kupio po nalogu M. G. za njene potrebe, da bi ista droga bila pronađena i oduzeta od M. od strane ovlaštenih službenih lica PS Visoko, za što joj je izdata Potvrda o privremenom oduzimanju predmeta PS Visoko broj ... od 13.04.2026. godine,

dakle, da bi neovlašteno prodao opojnu drogu,

2. dana 16.04.2026. godine na području grada Visoko, suprotno odredbama člana 4. stav 1. i člana 19. i 20. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako je bio svjestan i znao da je držanje opojne droge radi prodaje

zakonom zabranjeno, to je i htio, pa je neovlašteno radi prodaje držao opojnu drogu, kao i predmete koji se dovode u vezu sa zloupotrebom opojnih droga, i to:

- dva (2) pvc paketića sa sadržajem bijele praškaste materije neto masa 2,678 grama i 2,332 grama koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom,
- jedan (1) pvc paketić sa sadržajem bijele praškaste materije neto mase 0,828 grama koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom,
- četiri (4) prozirna pvc paketića sa sadržajem bijele praškaste materije neto masa 2,712 grama; 2,615 grama; 2,659 grama i 2,839 grama, koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom,
- jednu (1) prozirnu pvc kesicu sa sadržajem bijele vlažne materije neto mase 22,115 grama, koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom,

kao i predmete koji se dovode u vezu sa zloupotrebom opojnih droga, a koji se koriste za precizno razmjeravanje i vaganje količina opojne droge radi distribucije i stavljanja u promet, i to: jednu bijelu plastičnu digitalnu vagu bez vidljivih oznaka kapaciteta „5 kgx1g“ za precizno mjerenje,

a koja opojna droga i navedeni uređaj za razmjeravanje i vaganje opojne droge su pronađeni prilikom pretresanja kuće, drugih prostorija i pokretnih stvari koji se nalaze u ulici ... u Visokom, koje koristi V. L., kao i pokretnih stvari, motornih vozila koja su zatečena na licu mjesta, te lica koja su zatečena u objektima ili vozilima za vrijeme pretresa, koji pretres je izvršen dana 16.04.2026. godine na osnovu Naredbe Općinskog suda u Visokom broj ... od 13.04.2026. godine, te koja droga i navedeni uređaj su oduzeti od imenovanog prema Potvrdi o privremenom oduzimanju predmeta Uprava policije Zenica broj ... od 16.04.2026. godine, te tako V. svjestan da na ovaj način neovlašteno radi prodaje drži opojnu drogu, to je i htio,

dakle, da bi neovlašteno radi prodaje držao opojnu drogu,

III L. B., sama

dana 16.04.2026. godine na području grada Visoko, suprotno odredbama člana 4. stav 1. i člana 19. i 20. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), svjesna da je posjedovanje opojne droge zakonom zabranjeno, a što je i htjela, pa je neovlašteno posjedovala jednu (1) pvc vrećicu sa sadržajem bijele praškaste materije neto mase 0,304 grama, koja sadrži psihotropnu supstancu „amfetamin“, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koja opojna droga je pronađena prilikom pretresanja ormarića koji L. koristi na radnom mjestu u ... „...“ u Visokom koje poslovne prostorije se nalaze na adresi ..., a koji

pretres je izvršen dana 16.04.2026. godine na osnovu Naredbe Općinskog suda u Visokom broj ... od 13.04.2026. godine, te koja droga je oduzeta od imenovane prema Potvrdi o privremenom oduzimanju predmeta Uprava policije Zenica broj ... od 16.04.2026. godine,

dakle, da bi neovlašteno posjedovala opojnu drogu,

čime bi:

1. V. L. počinio produženo krivično djelo „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 31. i 55. KZ F BiH (Tačka I – 1. i 2. i Tačka II – 1. i 2.),
2. L. B. počinila produženo krivično djelo „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 31. i 55. KZ F BiH (Tačka I – 1. i 2.) u sticaju sa krivičnim djelom „Posjedovanje i omogućavanje uživanja opojnih droga“ iz člana 239. stav 3. KZ F BiH u vezi sa članom 54. KZ F BiH (Tačka III).